

**Kingusinnerpaamik UKA2019-imi inuussutissarsiornermik siuarsaanermik aaqqissuussinerit maanna ingerlasut nalilersorneqarnerannik Naalakkersuisut saqqummiussinissaat pillugu Inatsisartunut aalajangiiffigisassatut siunnersuut. Nalilersuinerimi aaqqissuussinerit maanna ingerlasut suliffeqarfinnik suliaqarfinnillu nutaanik qanoq annertutigisumik siuarsaanerat qulaajaavigineqassaaq. Nalilersuinermilu namminersorlutik inuussutissarsiortunut manna sinaakktissatut atugassarititat ilanngunneqassapput, maannalu aaqqissuussinerit kiisalu manna tikillugu misilittagaareersut tunuliaqutaralugit sinaakktissanut aaqqiissutaasinnaasunillu pitsanngorsaatinillu siunnersuusiortoqarluni. Nalilersuinermik suliaqarnermi namminersorlutik inuussutissarsiortut qanimut suleqatigineqarnissaannik Naalakkersuisut kaammattorneqarput.**

### **pillugu**

#### **Inuussutissarsiornermut Aatsitassanullu Ataatsimiititaliap**

#### **siunnersuutip aappassaaneerneqarneranut**

#### **ISUMALIUTISSIISSUTAA**

Ataatsimiititaliap kingullermik suliarinninnermini ilaasortarai:

Inatsisartunut ilaasortaq Jens Danielsen, Siumut, Siulittaasoq

Inatsisartunut ilaasortaq Múte B. Egede, Inuit Ataqatigiit, Siulittaasup tullia

Inatsisartunut ilaasortaq Mala Høj Kuko, Siumut

Inatsisartunut ilaasortaq Henrik Fleischer; Siumut

Inatsisartunut ilaasortaq Randi V. Evaldsen, Demokraterne

Inatsisartunut ilaasortaq Tillie Martinussen, Suleqatigiissitsisut

Inatsisartunut ilaasortaq Peter Olsen, Inuit Ataqatigiit

#### **1. Siunnersuutip imarisai siunertaalu**

Aalajangiiffigisassatut siunnersuutip matuma inuussutissarsiornermik siuarsaanermik aaqqissuussinerit maanna ingerlasunik nalilersuinnissamik Naalakkersuisut pisussaaffilerpai. Sammisami maannakktut iliuuserineqartut qanoq suliffeqarfinnik nutaanik siuarsaataatiginerisa nalilersuinermit isiginiarneqarnissaa siunnersuuteqartumit kissaatigineqarpoq. Taamatullu maannakktut inuussutissarsiortunut killiliussatut atugassarititaasunik qulaajaanissaq nassuiaammit isiginiarneqassaaq.

## **2. Ataatsimiititaliap siunnersuummik suliarinninnera**

Aaallarniutigalugu ataatsimiititaliap maluginiarpaa siullermeerinninnermi siunnersuummut tapersiineq assigiinnngisitaartoq. Naalakkersuisut siunnersuummut tapersiinnissaminnut tunngavissaqartitsipput. Aalajangiiffigisassatut siunnersuutip imarisai pillugit erseqqinnerusumik misissuiffiginninnissaani ataatsimiititaliap tunngavissaqarsorinngilaa, tassami aalajangiiffigisassatut siunnersuutip siunertai erseqqilluinnartumik nassuiarneqarsimammata. Ataatsimiititaliap maluginiarpaa Naalakkersuisut akissuteqaat naapertorlugu inuussutissarsiornikkut avammullu tunisaqarnermi siuarsaanermi iliuuserineqartup sunniutaanik uuttortaanernik arlalinnik aallartitserersimasut:

“Sunniutininik uuttuineq immersugassat atorlugit, annertussutsinik nalunaarsukkat atorlugit aammalu aningaasaqarneq pillugu naatsorsueriaatsit tatigisaasut atorlugit sukumiisumik misissuineramik annertuumik tunngaveqarpoq minnerunngitsumillu nunatta karsiata kukkunerisuiartui avataaneersut oqaloqatigisarnerisigut. Taamaammatt sunniutininik uuttuinerup inerneru qajannaatsumik suliamillu paasisimasalinnik toqqammaveqassapput”.

Atorfilittap ukiup aappaata affaani aningaasarsiaasa amerlaqataannik atuilluni suliasap annertuup iliuuseqarfigineqarnissaa siunnersuummik siunertarineqarpoq. Tamanna aningaasarpasuit ukiumut inuussutissarsiutinik siuarsaanernut allanngorartunut aalajangersimasunullu tapiissutitut aningaasaliissutigineqartartut eqqarsaatigalugit attuumassuteqartutut sanillersuutassaqqissutullu ataatsimiititaliamit isumaqarfigineqarpoq. Taamaammattaaq Naalakkersuisut sioqqutsillutik minnerunngitsumillu Nunatta Karsiata kukkunerisuiisunik avataaneersunik peqataatitsillutik sunniutininik siamasissumik uuttuineramik suliniuteqareernerat ataatsimiititaliamit assut naammagisimaarneqarpoq. Aamma Naalakkersuisunit, qulaani oqaatigineqartutut - sunniutininik uuttuinerup qajannaatsumik suliamik paasisimasalinnik toqqammaveqarneranik qulakkeereqataaneraaneq ataatsimiititaliamit isumaqatigineqarpoq.

Tassunga atatillugu suliarujussuup naammassinerata inaarutaasumik pitsaassutsikkut misissuiffigineqarnerani Nunatta Karsiata kukkunerisuiisuisa peqataatinneqarnerat ataatsimiititaliamit pissusissamisoorsorineqarpoq, taamatullu suliamik annertuumik naammassisamik inaarutaasumik pitsaassutsikkut misissuiffiginninnerup inerneru ataatsimut nalilersuinermut ilaatinneqarlutik. Ataatsimiititaliap aalajangiiffigisassatut siunnersuummik suliarinninnerminut naggasiutitut Naalakkersuisut kaammattorniarpai, ajornanngippat

pilersaarutigineqartut misissueqqissaarnerminni tunngaviusumik eqqarsariaatsit ataani pineqartut ilanngutequllugit;

- Inuussutissarsiutinik siuarsaanermut piumasaaqatinik ilanngussinissaq, piumasaaqatillu taakku nalilersuiffigineqarnissaannik.
- Inatsisinik nutaaliortarnermullu tunngatillugu aaqqissuussanik paasiuminarsaasoqassasoq.
- Nassuiaasiornermi kommuninik suliffeqarnermi kattuffinnik attuumassuteqartunik oqaloqateqartarnernik ilanngutsitsinissaq.

Ataatsimiititaliap taama oqaaseqarluni siunnersuummut inassuteqaatiminut ikaarsaassaaq.


### **3. Ataatsimiititaliap inassuteqaatai**


Ataatsimiititaliap isumaqatigiittup siunnersuutip akuersissutigineqarnissaa inassutigaa



Ataatsimiititaliap taama oqaaseqaateqarluni isumaliutissiisummilu allassimanageratut paasinnilluni siunnersuut aappasaaniigassanngortippaa.

  
Jens Danielsen  
Siulittaasoq


  
Mala. Høj Kuko

  
Múte Bourup Egede  
Siulittaasup tullia

  
Henrik Fleischer

  
Randi Vestergaard

  
Tillie Martinussen

  
Peter Olsen